

Aína: Estatutos



Borrador - Mesa Nacional Provisional

TÍTULO I

DISPOSICIONES XENERALES

ARTÍCULU 1. NOME, SIGLES, SÍMBOLOS

Esti documentu regula'l funcionamientu del partíu políticu denomáu Aína, que tien por sigles Aína, organización del ámbitu de la izquierda soberanista que va desendolcar el so trabayu n'Asturies (col so espaciu afitáu anguaño nel Estatutu d'Autonomía).

El símbolu identificativu d'Aína fórmalu'l nome del partíu en color mariellu averdosáu, con tipografía Montserrat modificada y llixeramente xustificáu a la izquierda, dientro d'un trapezoide negru.

Pa usos d'agrupaciones llocales o sectoriales, puede dir acompañáu del nome de caún de los conceyos/estayes.

ARTICULU 2. DOMICILIU, SITIU WEB Y DIREICIÓN ELECTRÓNICA

Aína tien la so sede social na cai El Postigu Baxu 40, baxu, 33009 Uviéu. Cuenta con un sitiu web que ye www.aina-asturies.org y una direición electrónica de contautu que ye hola@aina-asturies.org

ARTICULU 3. FINALIDÁ DEL PARTÍU Y OXETIVOS ESTRATÉXICOS

Los oxetivos finales colos que se constitúi esta organización política y la so llinia ideolóxica afítense nos principios estratéxicos y políticos que se resumen a continuación.

1. Principios y oxetivos estratéxicos:

Aína surge de la necesidá de qu'esista n'Asturies un partíu políticu, y non otru tipu d'organización, d'obediencia exclusivamente asturiana y cola defensa de les soberanías (nel sentíu más ampliu) como idea central. Entós, los oxetivos estratéxicos d'Aína al momentu de la so creación son:

- a. Acercar les polítiques al marcu asturianu, ensin pasar pel estatal, pa nun perder la perspectiva cercana.
- b. Dar una salida a la crisis n'Asturies en clave de xusticia social y de construcción nacional.
- c. Constituyir un referente políticu n'Asturies que ponga nel centru del alderique les dos necesidaes anteriores.
- d. Fomentar l'apaición d'otros proyectos autoorganizaos qu'entren na política asturiana con estos mesmos enfotos y enfoques.
- e. Demostrar a la sociedá asturiana que tener a Asturias como marcu de referencia ufre una serie d'oportunidaes non esploraes en gran midida hasta agora y que son útiles pa responder a los grandes problemes que trescinden les nuestros fronteres.

2. Principios y oxetivos políticos:

- a. Soberanismu asturianu. Aína ye un proyeutu fechu dende Asturias y p' Asturias: una ferramienta política pa facer pueblu y meyorar les condiciones de vida de toles asturianas. Una Asturias que, garrando les blimes del pasáu, imaxine y construya l' Asturias del futuru.
- b. Somos d' izquierda. Asturias ye un país de trabayadores que suañaron cola xusticia social. Güei, garramos aquellos banderes y anovamos aquellos lluches pa seguir la sienda de los valores republicanos colos que tresformar l' orde social y la economía pa ponela al serviciu de la mayoría.
- c. Feminismu y xusticia: puxamos por un pueblu dafechu llibre, pa lo que ye preciso valtar les estructures patriarcales construyíes a lo llargo la historia, asumiendo'l lideralgu femenín a la hora de detectar problemes y proponer les soluciones afayadices pa superar el machismu y construir la igualdá.
- d. Cultura y globalización. Recuperar l' autoestima colectiva pasa per torgar que se faiga de menos la cultura popular de los homes y muyeres d' esta tierra. Vindicamos una Asturias arguyosa de les sos llingües y del so patrimoniu cultural, que fale d' igual a igual con toles cultures del planeta.
- e. Derechos humanos. L' asturianu ye un pueblu qu' acueye, ensin dexar a nadie atrás. Nenguna persona pue ser discriminada pol so orixe, sexu, raza, relixón, orientación sexual o identidá de xéneru. Lluchamos por iguar estes discriminaciones dende'l so raigañu y desaniciales pa siempre.
- f. Internacionalismu. Los estremaos pueblos de la Tierra han rellacionase dende los principios de la cooperación, la non agresión, la non inxerencia y la igualdá, a la gueta del bien común, la paz y la xusticia na más amplia de les sos aceiciones.
- g. Territoriu. Ye necesariu un nuevu modelu pal seutor primariu, como única salida vidable pa los conceyos del nuesu país. Defender la productividá del rural asturianu —la ganadería estensiva, l' agricultura y la pesca de baxura— ye contribuyir a un futuru más xustu nel nuesu territoriu.
- h. Democracia participativa. El Pueblu Asturianu ye quien manda: recuperar el conceyu abiertu y formentar polítiques de participación popular ye una prioridá urxente énte la desmovilización, l' apatía y l' individualismu al que mos conderga esti sistema. Pongamos nel centru l' alderique p' algamar el bien común.
- i. Servicios públicos. Los servicios públicos son la única garantía pa que les nueses vides valgan igual que les de los ricos. Poro, ye necesario cuidar y ameyorar la sanidá y la educación y, al tiempu, ampliar la cobertura pública a otres estayes como la vivienda, enerxía, cuidaos, trabayu y ciencia.
- j. Futuru verde. Asturias ye, tradicionalmente, un país industrial y pa seguir siéndolo ye preciso tresformar el sector, de manera que seya sostenible, vidable,

saludable y caltenga l'empléu. Nun podemos arrenunciar a una capacidá productiva xusta pa cola nuesa economía y mediu ambiente.

TÍTULU II

AFILIAOS Y AFILIAES

CAPÍTULU 1: DRECHOS Y DEBERES

ARTÍCULU 4. LA MILITANCIA

1. Aína tien dos formes estremaes de militancia o de participación política na organización, caúna con maneres ya intensidaes distintes: les afiliaes y les inscrites. Dambes modalidaes van tar dafechu aceptaes pero siempre va priorizase la militancia na so forma d'afiliáu o afiliada yá que ye la forma necesaria pal correutu funcionamientu del partíu. Aína va habilitar espacios de participación y d'alderique abiertos a toles sos inscrites non afiliaes que quieran participar nel proyeutu de construcción nacional, y va facer posible qu'estes persones puedan participar nos principales alderiques. Pue afiliase a Aína cualquier persona mayor d'edá que nun tenga restrinxida la so capacidá d'obrar.
2. El procesu d'afiliación pue facese telemáticamente o de mou presencial. L'afiliáu o l'afiliada va quedar axuntáu darréu a l'agrupación llocal más próxima al so domiciliu.
3. Aína va caltener un ficheru de rexistru d'altos y baxes de simpatizantes y afiliación que cumpla cola llei vixente en materia de proteición de datos.
4. L'afiliación tien la obligación del pagu d'unes cuotes establecíos pol órganu competente (Asamblea Nacional).

ARTÍCULU 5. DRECHOS Y DEBERES

1. Les afiliaes y afiliaos van tener los siguientes derechos:
 - a. Conocer y tener a la so disposición los estatutos y demás documentos oficiales del partíu.
 - b. Participar nes actividaes d'esti y nos órganos de gobiernu y representación, exercer el derechu a voz y votu, asina como a asistir a les Asamblees Llocales del so conceyu, Congresos Nacionales y Asamblees Nacionales, según les normes establecíos pa caún d'estos órganos.
 - c. Ser eleutores y escoyibles pa los cargos del partíu y de representación institucional.
 - d. Ser informaos y informaes sobre la composición de los órganos direutivos y d'alministración, sobre les decisiones algamaes polos órganos direutivos, sobre les actividaes realizaes y sobre la situación económica.
 - e. Impugnar los alcuerdos de los órganos del partíu qu'estimen contrarios a la Llei o a los estatutos.

- f. Acudir al órgano encargáu de la defensa de los derechos de los afiliados y afiliadas.
- g. Promover y participar en las corrientes de opinión y grupos de trabajo que se constituyan en Aína.
- h. Defensa jurídica por Aína en el supuesto de que, como consecuencia de la actividad política dentro del marco estatutario, fuere denunciada o denunciada ante los tribunales de justicia, sufriendo alguna agresión física o al honor, buena imagen o intimidación o sufriendo detención o retención policial. Aína va asumir las responsabilidades económicas posteriores a esta defensa jurídica, ocurrida como consecuencia de la actividad política en línea de Aína.
- i. Los inscritos y los inscritas no van gozar de los derechos citados en apartados b) (sacando la participación en actividades del partido), c) y h).

2. Los afiliados y los afiliadas van tener las siguientes obligaciones:

- a. Compartir los objetivos y finalidades del partido y colaborar en el logro de los mismos.
- b. Respetar lo dispuesto en los estatutos.
- c. Acatar y cumplir los acuerdos válidamente adoptados por los órganos directivos del partido.
- d. Abonar los cuotas y otras aportaciones que, de acuerdo con los estatutos, establezcan los órganos competentes.
- e. No entamar, impulsar o participar en campañas en contra de Aína.
- f. Los inscritos y los inscritas tienen las mismas obligaciones que los afiliados, sacando el pago de cuotas.

3. La pérdida de afiliación va venir causada por:

- a. Voluntad propia de la persona interesada por escrito. Cualquiera afiliado o afiliada del partido va poder darse de baja del mismo libremente mediante una comunicación por escrito dirigida a la Mesa Nacional. La baja va ser anotada en el Libro del Registro de Afiliados y Afiliadas y va tener efectos desde el momento de la comunicación.
- b. Decisión sancionadora y firme de los órganos competentes, según lo establecido en los estatutos.
- c. Impago de cuotas.

CAPÍTULO 2: RÉXIME DISCIPLINARIU

ARTÍCULO 6. PRINCIPIOS DEL RÉXIME DISCIPLINARIU

1. El presente artículo ye aplicable a tola militancia (persones afiliaes y inscrites) y cargos públicos d'Aína.
2. El partíu va afitar un réxime disciplinariu de sanciones leves, graves y mui graves p'aquellos afiliaos y afiliaes qu'incumplieren colos sos deberes pa con Aína o que cola so conducta pública o privada atentaren escontra los principios del partíu.
3. El partíu va afitar, a mou de comisión de garantías, un procedimientu pa comunicar al afiliáu o afiliada l'apertura d'expediente per parte l'órganu competente, afitando un sistema que garantice'l derechu del afiliáu o afiliada a algamar información de los fechos que dan llugar a l'apertura d'expediente, a l'aportación de pruebas na so defensa con caráuter previu a la imposición de sanciones, a que l'alcuertu sancionador seya motiváu y a presentar recursu énte los órganos competentes.

ARTÍCULO 7. APERTURA Y PROCEDIMIENTU D'ESPEDIENTES DISCIPLINARIOS

L'apertura de los expedientes disciplinarios va realizase acordies col siguiente procedimientu:

1. La Executiva, actuando como órganu colexáu, va abrir un expediente disciplinariu en cuantes tenga noticia de la esistencia d'unos fechos que revistan calter d'infracción de los Estatutos o de los reglamentos que d'ellos se deriven.
2. La Executiva, ensin más trámite, va dar treslláu del expediente disciplinariu a la Comisión de Control y Garantías Democrátiques pa qu'esta proceda cola so tramitación y resolvimientu.
3. La Comisión de Control y Garantías Democrátiques, recibíu l'expediente, va designar ente los sos miembros a una o un instructor del casu. A la vista de la denuncia y de cuantes dilixencies considere oportuno prauticar, el o la instructora va redactar un pliegu de cargos que-y será notificáu al o a la interesada, que va disponer d'un plazu de 15 díes hábiles pa dar contestación al mesmu, proponiendo o non les pruebas que considere oportunes pa la so defensa. Si la o l'instructor alcuerta la práutica de les mentaes pruebas, van desendolcase nel plazu de 15 díes hábiles. Si nun considerara oportuna la práutica de les mesmes, va tener de motivalo na propuesta de resolución qu'ellabore.
4. La propuesta de resolución, previa audiencia del o de la interesada, va ser alzada per parte del instructor o de la instructora del casu al plenu de la Comisión de Control y Garantías Democrátiques, que va proceder a imponer, de forma motivada y d'alcuertu con estos Estatutos o colos reglamentos que d'ellos se deriven, la sanción que considere oportuna.
5. Les resoluciones de la Comisión de Control y Garantías Democrátiques van ser firmes, nun existiendo contra elles posibilidá de recursu.

ARTÍCULO 8. INFRAICIONES Y SANCIONES

1. Les sanciones que van poder imponese pola comisión de garantías van ser les siguientes:
 - a. L'amonestación o llamada d'atención a l'afiliada o inscrita, quedando llendada al ámbitu del órganu que l'adopte.
 - b. La inhabilitación temporal pa desempeñar cargos orgánicos y, nel so casu, la destitución del cargu orgánicu.
 - c. La suspensión temporal como miembru d'Aína per un periodu non superior a 3 años.
 - d. La espulsión d'Aína.
2. Les faltas van ser calificaes de leves, graves o mui graves
 - a. Va considerase falta leve:
 - Actuar con negligencia o abandonu nel desempeñu de les funciones o cargos que-y fueren encamentaos.
 - L'incumplimientu puntual de dalgún de los deberes qu'establecen pa les afiliaes estos Estatutos.
 - b. Va considerase falta grave la realización de dalguna de les siguientes conductes:
 - Desoyer o desobedecer los alcuerdos y decisiones de les asamblees y demás órganos d'Aína.
 - Incumplir reiteradamente'l pagu de la cuota ensin causa xustificada pa ello.
 - Les esviaciones estatutaries, deshonestidá o ineficiencia política de les y los dirixentes y cargos públicos.
 - Esparder noticies falses que desprestixen a Aína o descalifiquen a la organización o a los sos órganos.
 - Facer declaraciones públiques en nome d'Aína que comprometan a la organización ensin cuntar con autorización del órganu competente.
 - Suplantar o atribuyise cargos o funciones de cualesquier clas o naturaleza que nun-y correspuenda, según la realización de declaraciones públiques en nome de los órganos d'Aína ensin cuntar con autorización previa y espresa.
 - Incurrir na alministración deslleal de los recursos del partíu, cuando nun sía considerao falta mui grave.

- Comprometer la privacidad, l'honor o la reputación de los miembros d'Aína con informaciones falses, calumnioses o injurioses de la so vida íntimo y personal.
- Cualesquier usu indebíu de la documentación, datos o información que se tengan, o a los que se tuviere accesu, por razón del cargu o función desempeñada nos estremaos órganos d'Aína.
- Alteriar ensin bones intenciones el censu, la voluntá del votu o la participación nes decisiones de los órganos de direición o de decisión y executivos del partíu.
- Ser sancionáu o sancionada pola Comisión de dos o más faltas leves.

c. Van considerase faltas mui graves les siguientes conductes:

- Tresgredir el códigu éticu d'Aína.
- Disponer, en provechu propiu, de fondos o bienes d'Aína.
- Actuar nel exerciciu de cargos públicos de forma contraria a los principios d'Aína.
- Incurrir en cualesquier forma de corrupción nel exerciciu de cargos públicos.
- Apurrir a organizaciones polítiques contraries a Aína información reservada que conoza per aciu del desempeñu d'un cargu orgánicu.
- Atentar, de manera grave y repitida, escontra les bases ideolóxicas y programátiques y/o la unidá organizativa d'Aína.
- Solidarizase o colaborar cola aición política de partíos o asociaciones polítiques antagónicas a Aína, y/o conxurar con actores políticos o ciudadanos o ciudadanes a la escontra d'Aína o de los sos órganos.
- Proceder con indisciplina grave, en rellación coles determinaciones de les asamblees y demás órganos d'Aína.
- Presentar de manera maldosa una denuncia con fechos infundaos énte los órganos disciplinarios.
- Ostentar la candidatura d'otru partíu políticu o coalición eleutoral a cualesquier cargu d'eleición popular ensin l'autorización espresa de la Mesa Nacional.
- Desacreditar a otres persones, miembros o non d'Aína, pol so xéneru, orientación sexual, orixe étnicu o diversidá funcional.
- Ser sancionáu pola comisión de dos o más faltas graves.

- d. Aína va proceder a la suspensión cautelar automática de la militancia d'aquellos afiliaos o inscritos incurros nun procesu penal por un delitu rellacionáu cola corrupción o cola violencia machista. La condena por cualesquier d'estos dos delitos trai darréu la espulsión inmediata del partíu.
- e. La facultá de los órganos competentes pa sancionar va prescribir pa les faltes leves a los seis meses, pa les graves a los dos años y pa les mui graves a los cuatro años.

TÍTULO III

ESTRUCTURA Y ORGANIZACIÓN: ÓRGANOS DE REPRESENTACIÓN, GOBIERNU Y ALMINISTRACIÓN

ARTÍCULU 9. PRINCIPIOS XENERALES Y DE FUNCIONAMIENTU

La organización, les regles de funcionamientu y l'actividá del Partíu ñacen de principios democráticos, d'aluerdu cola llexislación en vigor. Los órganos direutivos del partíu van ser renovaos cada 4 años y van ser escoyíos poles instancias competentes, acordies colo afitao nos presentes Estatutos, al traviés d'un procedimientu de llistes abiertes.y per aciu de sufraxu llibre y secretu, garantizándose la participación de tolos afiliaos y afiliaes.

Les reuniones de los órganos que se reconocen nestos estatutos, sacante nos casos nos qu'espresamente s'establezca otu plazu, habrán de ser convocaos, como mínimo, con 48 hores d'antelación, mediante comunicación electrónica dirixida al conxuntu de los y les sos integrantes. Habrá d'incluyise nélla l'orde del día, asina como'l día, hora y llugar de celebración. Namái en casu d'urxencia acreditada van poder convocase reuniones que nun respeten el plazu mínimu o la forma indicada.

Pa la válida constitución del órganu, y salvo que nestos Estatutos se disponga otra cosa, va ser necesaria l'asistencia d'un terciu de les y los miembros que lu integren.

Los alderiques en tolos órganos del Partíu van ser ordenaos pola persona que los presida. Esta va tener potestá p'ampliar o amenorgar el númberu y tiempu de los intervinientes, asina como p'alcordar el piesllu del discutiniu cuando-y abulte que ta abondo aldericáu.

En tando presentáu cada puntu del orde del día, daráse la pallabra a les y los miembros del órganu qu'asina lo soliciten. La persona que fuera contradicha nes sos argumentaciones por otra u otros intervinientes, va tener drechu a replicar o rectificar per una sola vegada y pel tiempu qu'afite la presidencia. Del mesmu mou, va esistir un drechu a contrarréplica per igual tiempu. N'acabando l'alderique, el puntu va ser sometíu a aprobación.

Los aluerdos adoptaránse por mayoría simple de los votos, sacante aquellos supuestos nos que se rica una mayoría cualificada, acordies colos presentes Estatutos o colos reglamentos que desendolquen el funcionamientu de los órganos del Partíu.

Cualesquier votación nun órganu colexáu habrá de ser realizada pente medies de votu secretu cuando asina sía solicitáu por, al menos, la quinta parte de les y los miembros presentes. Esta circunstancia quedará espeyada nel acta correspondiente.

Les decisiones adoptaes nes reuniones habrán de recoyese nun acta pa la so puesta a disposición de toles y tolos miembros del órganu. Toles actes van ser recopilaes nun archivu únicu embaxo la supervisión de quien desenvuelva les funciones de secretaría. Les y los afiliaos tendrán drechu a acceder a les actes. La solicitú d'accesu formularáse mediante pitición argumentada que corresponderá aprobar al órganu al que se solicite, siempre que nun tea referida a datos protexíos llegalmente.

ARTÍCULU 10. ÓRGANOS DEL PARTÍU

Aína cuenta colos siguientes órganos:

- Congresu Nacional
- Asamblea Nacional
- Mesa Nacional
- Executiva
- Agrupaciones llocales
- Estayes sectoriales

ARTÍCULU 11. CONGRESU NACIONAL

El Congresu Nacional ye'l muérganu cimero de direición d'Aína. Ha celebrase, pelo menos, una vegada cada cuatro años. Né'l tien drechu a participar tola afiliación, con voz y votu per persona. El Congresu Nacional ye l'encargáu d'aprobar los estremaos documentos políticos, estratéxicos y organizativos, incluyendo los Estatutos. Né'l han votase tamién les candidatures a la Executiva y a la Mesa Nacional.

El Congresu habrá de ser convocáu pola Asamblea Nacional, que determinará les feches y llugar de reunión pelo menos con 45 díes naturales d'antelación. Unviaráse a toles y tolos afiliaos una propuesta d'orde del día provisional y una copia de la ponencia o ponencies-base ellaboraas pola Mesa Nacional.

Les y los afiliaos van poder formular suxerencies al orde del día, presentar proposiciones, enmiendes parciales o ponencies alternativas sobre materies de cualesquier naturaleza, mesmo si s'atopen incluyíes na ponencia o ponencies-base como si non. Como mínimo 10 díes enantes de la fecha fixada pa la celebración del Congresu, la Mesa Nacional habrá d'unviar a toles y tolos afiliaos una memoria con toles enmiendas y proposiciones presentaes.

ARTÍCULU 12. ASAMBLEA NACIONAL

L'Asamblea Nacional ye un órganu compuestu pola totalidá de l'afiliación. Toles persones tienen drechu a voz y votu. Habrá celebrase, al menos, una vegada al añu con calter ordinariu.

Son funciones d'esta Asamblea les siguientes:

- Aprobar les decisiones xenerales venceyaes a los procesos eleutorales (presentación, candidatures, aliances, programes eleutorales, etc), sacantes aquelles decisiones que, acordies con estos Estatutos, son competencia de les Asamblees Llocales.
- Aprobar, a propuesta de la Executiva, el presupuestu añal d'Aína, asina como les cuentos del exerciciu anterior.
- Afitar les cuotes d'afiliación.
- Valorar añalmente la función de la Executiva.
- Conocer el trabayu que faga la Comisión de Control y Garantíes Democrátiques al traviés del alderique y votación del so informe añal de xestión.
- Aprobar los Reglamentos que desendolquen los Estatutos, y interpretar tanto los unos como los otros nos periodos inter-congresuales.
- Proponer nuevos cargos orgánicos o sustituciones nellos en casu de necesidá (por relevu, baxa o circunstancies xustificaes) tanto na Mesa Nacional, como na Executiva o nes estremaes estayes coordinadores que vaigan formándose.

Un reglamentu de funcionamientu de l'Asamblea Nacional va desendolcar les demás competencies que, arriendes de les yá conseñaes, habrá de desenvolver esti organismu, asina como les sos rellaciones colos restantes órganos del Partíu.

L'Asamblea Nacional habrá de ser convocada de manera ordinaria pola Mesa Nacional con una antelación de 21 díes naturales al traviés de comunicación electrónica a tolos y toles afiliaes, determinándose na convocatoria la fecha, llugar de reunión y orde del día. Habrán de ser axuntaes a la convocatoria les Memories de xestión de la Executiva, de la Comisión de Control y Garantíes Democrátiques y del o de la responsable económico-financiera. Cualesquier afiliáu o afiliada va a poder proponer la inclusión de temes nel orde del día pal so discutiniu y votación, con una antelación mínima de 7 díes naturales a la celebración de l'Asamblea. En casu de convocatoria d'urxencia, esta habrá de tar debidamente xustificada y tendrá que ser aprobada al entamu de la Asamblea. Amás, en casu de pidimientu d'un 60 % de l'afiliación (3/5), va poder ser la militancia la que convoque una Asamblea Nacional extraordinaria.

ARTÍCULU 13. MESA NACIONAL

La Mesa Nacional ye l'órganu encargáu de controlar y asesorar l'aición de la Executiva. La so función principal ye la de defender que s'apliquen los alcuerdos algamaos nes Asamblees y Congresos Nacionales, amás de cumplir les demás funciones que se-y dan nestos Estatutos y les qu'un futuru reglamentu de funcionamientu del órganu puedan considerar.

Va tar constituyida por un total de 21 persones. Ocho d'estes persones integrantes van ser independientes de la Executiva, mientras que les 13 restantes van ser les persones que conformen la Executiva. Les ocho persones independientes de la Executiva van ser, siempres que seya posible, ocho representantes electos poles afiliaes y afiliados de les diferentes agrupaciones llocales afitaes nel territoriu. Preferiblemente, habrán tar representaos de forma territorial equitativa toles agrupaciones llocales nestes ocho persones siguiendo'l marcu de

referencia de les ocho áreas sanitaries nes que tán actualmente insertos los 78 conceyos d'Asturies.

De la mesma manera, na Mesa Nacional van poder participar un total de 7 representantes de les estayes de trabayu sectoriales (por exemplu, de la estaya de mocedá, feminismu, rural, industria, enseña, sanidá, etc.), anque, nesti casu, nun van tener capacidá de votu, pero sí d'espresión y asesoramientu.

La Mesa va tener qu'aconceyar, pelo menos, una vegada cada dos meses. La Mesa Nacional va poder ratificar o proponer voceros y voceres pa les estayes sectoriales que tengan capacidá de comunicación colos medios.

ARTÍCULU 14. LA EXECUTIVA

La Executiva ye l'órganu encargáu de dirixir el día a día de la organización y de representar el proyectu a nivel públicu. Tien de rindir cuentas de forma bimensual a la Mesa Nacional como mínimo. Ta formada por 13 persones, d'ente les qu'han salir cuatro voceros que, nun teniendo más pesu nin poder que les otres nueve persones, van conformar el que se va nomar Secretariáu. Esti Secretariáu pue ser rotatoriu si la Executiva lo ve oportuno y cola periodicidá que considere necesaria. Son funciones de la Executiva y el Secretariáu les siguientes:

- Representar a Aina nes rellaciones institucionales y ente los medios de comunicación (anque, nesti últimu casu, la Mesa Nacional va poder proponer voceros y voceres pa les estayes Sectoriales que seyan les que tengan capacidá tamién de comunicación colos medios).
- Eexercer la representación llegal d'Aina, pudiendo conceder los apoderamientos xenerales o específicos que consideren convenientes.
- Ellaborar la propuesta de cuentas añales.

Un reglamentu de funcionamientu de la Executiva va desendolcar les demás competencies que, arriendes de les yá conseñaes, habrá de desenvolver esti organismu, asina como les sos rellaciones colos restantes órganos del partíu

En casu de dimisión de dalguna persona de la Executiva, esta habrá ser reemplazada por dalguna de les persones de la Mesa, y esta, a la so vegada, por un afiliáu escoyíu poles agrupaciones llocales.

En casu de dimisión d'una executiva o de la metá más una persona de la mesma, la executiva va quedar disuelta y va ser la Mesa Nacional la responsable de coordinar y dirixir el partíu hacia una Asamblea Nacional extraordinaria na que s'escueya una nueva Executiva nun plazu de 90 díes.

ARTÍCULU 15. ASAMBLEES LLOCALES

La Asamblea Llocal ye'l máximu órganu de decisión a nivel de conceyu. Habrá d'esistir una Asamblea Llocal en caún de los conceyos nos que se conforme Agrupación Llocal d'Aina

Pa formar les agrupaciones llocales va ser necesario cuntar con un número mínimu d'afiliaos y d'afiliaes. Esti número va ser flexible teniendo como referente la población censao nél. Asina,

y por facer comparanza, nun se va precisar cuntar col mesmu número d'inscritos nun conceyu de mil habitantes que nuna de les tres ciudaes más poblaes d'Asturies. Nesi sen, la rellación ente población y número mínimu d'afiliaos y d'afiliaes va ser el siguiente:

- Conceyos de más de 20.000 habitantes: 13 persones afiliaes.
- Conceyos d'ente 2.500 y 20.000 habitantes: 7 persones afiliaes.
- Conceyos de menos de 2500 habitantes: 5 persones afiliaes.
- Conceyos de menos de 100 habitantes (si los hubiere): 3 persones afiliaes.

D'esti postuláu pueden surdir delles situaciones que precisen de d'atopar figures amañoses coles que facer operativa la participación y trabayu llocal a toles persones afiliaes. Estes detállense darréu.:

- Conceyos nos que, habiendo persones afiliaes nél, nun s'algama la cifra mínima pa tener agrupación llocal: les persones que tean nesta situación van poder participar na agrupación llocal más próxima aunque la so afiliación nun va depender d'esta yá que l'oxetivu tien que ser desendolcar, col pasu del tiempu y el trabayu, la so agrupación correspondiente. L'afiliación d'estes persones va ser a nivel d'Asturies hasta que tengan afitada y constituyía l'agrupación llocal propia. Asina, va esistir siempre que seya necesario una agrupación nomada "asturiana" que tendrá'l rangu de "llocal" y que va permitir incluyir nella tanto a les afiliaes que tean nesa situación antes mentada como a les persones emigraes que nun tuvieren un conceyu de referencia o que asina lo consideraren más amañoso.
- Varios conceyos con afiliación pero ensin agrupación llocal y que tampoco cunten na redolada xeográfica con una agrupación amañosa na que participar: les persones afiliaes que tean nesa situación van poder agrupase de forma mancomunal. Asina, va poder constituyise una agrupación mancomunada. Esta figura tien de ser temporal y nella tien qu'haber una persona qu'exerza de coordinadora que tenga, a la so mesma vegada, una coordinación cola mesa y executiva nacionales. Sicasí, l'afiliación d'estes persones va ser a nivel d'Asturies hasta que tengan afitades y constituyies les agrupaciones llocales correspondientes. Poro, esta figura va esistir namás pa permitir un trabayu amañosu y operativu de la xente inscrito.
- Los conceyos nos que tanto la estensión xeográfica del mesmu como'l número d'afiliaes y afiliaos de l'agrupación llocal lo permita van poder trabayar a nivel de parroquia o de barriu. Esta subdivisión nun significa desanicar una agrupación en varies, sinón que l'agrupación va ser la mesma pero'l trabayu diariu va ser per parroquies o barrios, siendo necesaria una coordinación ente toos ellos y teniendo qu'esistir pa ello una mesa coordinadora de les mesmes. Estes situaciones podrían dase en conceyos mui poblaos o con situaciones de dispersión xeográfica marcada.

Toes estes esceiciones tienen que ser propuestas a la Mesa Nacional, que va tener el trabayu de valorales y ratificales si lo considera.

ARTÍCULO 15BIS. FUNCIONAMIENTO Y COMPETENCIAS DE LAS ASAMBLEAS LLOCALES

Las agrupaciones locales van funcionar de manera asamblearia, al través de la correspondiente Asamblea Local. Van formar parte d'ella tolos afiliados y tolos afiliadas d'esi conceyu. L'Asamblea Local habrá aconceyar, pelo menos, una vegada al mes. Van ser funciones d'esta Asamblea:

- Desenvolver a nivel de conceyu les llinies polítiques xenerales d'Aína. Nesti sen, les Asamblees Locales van gociar d'autonomía pa tomar les sos propies decisiones, respetando siempre los criterios aprobaos pol Partíu nes sos cites congreguales.
- Tomar decisiones venceyaes a los procesos eleutorales de nivel local (presentación, candidatures, aliances, programes eleutorales, etc) que habrán de ser alzaes a la Mesa Nacional pa la so validación.

Un reglamentu de funcionamientu de les Asamblees Locales va desenvolcar les demás competencies que, arriendes de les yá conseñaes, habrá de desenvolver esti organismu, asina como les sos rellaciones colos restantes órganos del Partíu.

La Asamblea Local habrá nomar una Coordinadora Local. Esta Coordinadora tien que tar formada por un númberu d'ente trés y cinco persones, en función del númberu total d'afiliados. La Coordinadora Local ye la encargada de desenvolcar el día a día y dinamización de l'agrupación. Tien d'aconceyar, pelo menos, dos vegaes al mes.

ARTÍCULO 16. ESTAYES SECTORIALES

La Mesa Nacional va ser la encargada d'aprobar la propuesta de constitución de les estayes de trabayu sectoriales que tanto les Asamblees Locales como la propia Executiva consideren necesaries. Un total de siete representantes de les diferentes estayes Sectoriales van poder participar na Mesa Nacional (aunque ensin votu).

Un reglamentu d'Estayes Sectoriales ellaboráu pola Mesa Nacional habrá de desenvolcar el funcionamientu internu d'estos grupos y mou de la so conformación.

TÍTULO IV CANDIDATURES

ARTÍCULO 17: CONFORMACIÓN DE LAS CANDIDATURES

Les candidates y candidatos a cargos d'eleición a cualesquier nivel van ser escoyíos por votu direutu al través d'un procesu de primaries nel que va poder participar el conxuntu de la militancia, siguiendo'l principiu d'una persona un votu.

La presentación de candidatures mediante procesos de primaries correspuende a l'afiliación del marcu territorial respetivu a la eleición; esto ye: del conxuntu de la organización nel casu de les eleiciones d'ámbitu européu, estatal o asturianu y de la afiliación de cada conceyu nel casu d'eleiciones locales.

Cualesquier afiliáu o afiliada d'Aína tien drechu a impulsar candidatures y/o a formar parte en dalguna d'elles, sacantes aquelles persones nes que, acordies con estos Estatutos o colos

reglamentos que los desendolquen, se dean les circunstancias específiques que-yos invaliden a esti efeutu.

Les candidatures buscarán cumplir col principiu de paridá na su conformación.

El sistema d'eleición de les candidatures eleutorales va ser desendolcáu por un Reglamentu qu'habrá de redactar la Mesa Nacional y aprobar l'Asamblea Nacional.

TÍTULU V

CONTROL Y GARANTÍES DEMOCRÁTQUES

CAPÍTULU 1: LA COMISIÓN DE CONTROL Y GARANTÍES DEMOCRÁTQUES

ARTÍCULU 18: FINES DE LA COMISIÓN DE CONTROL Y GARANTÍES DEMOCRÁTQUES

La Comisión de Control y Garantías Democrátiques ye l'órganu encargáu de velar pol respetu de los drechos y la dignidá de les persones afiliaes a Aína. Arriendes d'ello, va velar pol cumplimientu de los estatutos del partíu per parte de les y los sos militantes. Pa garantizar la so imparcialidá, l'organu va gociar de llibertá ya independencia nel desenvolvimientu de les sos funciones.

ARTÍCULU 19: COMPOSICIÓN DE LA COMISIÓN DE CONTROL Y GARANTÍES DEMOCRÁTQUES

La Comisión de Control y Garantías Democrátiques va tar formada por 5 integrantes, que van ser escoyíos democráticamente pol Congresu Nacional del partíu. La pertenencia a la mentada comisión va ser incompatible col cualesquier otru cargu orgánicu o institucional d'Aína, asina como cualesquier rellación llaboral o económica col partíu. Los y les sos miembros van escoyer internamente a la persona que s'encargue de dirixir les sos reuniones y moderar los sos alderiques. La comisión va furrular acordies col so propiu reglamentu, que tien de ser aprobáu pola Asamblea Nacional.

ARTÍCULU 20: COMPETENCIES Y FUNCIONAMIENTU DE LA COMISIÓN DE CONTROL Y GARANTÍES DEMOCRÁTQUES

Va ser competencia d'esta Comisión la mediación y/o resolución de los conflictos y los espedientes disciplinarios xeneraos en rellación colos presentes Estatutos y/o colos reglamentos que los desendolquen. Los dictámenes y resoluciones qu'emitir la Comisión de Control y Garantías Democrátiques van tar siempre motivaos d'aluerdu a estos Estatutos, a los reglamentos que d'ellos puedan derivase y a la llegalidá vixente en cada momentu.

Van poder demandar amparu énte esta comisión les y los militantes d'Aína, asina como los órganos de gobiernu, que consideren violáu dalgún de los sos drechos estatutarios.

La Comisión de Control y Garantías Democrátiques nun va poder desenvolver nenguna actuación, nin siquier indagatoria, contra nenguna afiliada o afiliáu ensin que medie l'apertura d'un espediente disciplinariu a la so escontra.

Añalmente, la Comisión de Control y Garantías democráticas va elaborar un informe sobre la so actividad, qu'ha ser presentáu énte l'Asamblea Nacional.

ARTÍCULU 21: PROCEDIMIENTU DE RECLAMACIÓN

Les persones afiliaes van poder impugnar los alcuerdos y decisiones de los órganos del partíu contrarios a la llei, a estos Estatutos o a la normativa que se derive d'ellos. Va siguise pa ello'l procedimientu que vien darréu:

1. Los y les afiliaes van poder dar aniciu a un procesu d'impugnación per aciu de la interposición d'un escritu énte la Comisión de Control y Garantías democráticas nel que se rellaten con claridá los actos que s'impugnen, les partes implicaes, los fundamentos en que se base la so reclamación y los pidimientos en que se concrete la so solicitú. La identificación de la persona o persones afiliaes que soscriban la impugnación han de constar nel escritu pa qu'esti seya almitíu a trámite.
2. Nun indicándose otra cosa, el plazu pa la impugnación d'un alcuerdu o decisión va ser de diez días hábiles a contar dende'l día siguiente a la so adopción o, nel so casu, dende la fecha na que-y fuere notificáu al afiliáu o afiliada. Cualesquier alcuerdu adoptáu polos órganos del partíu va facese firme si nel plazu conseñáu nun se presenta impugnación dala.
3. La tramitación de la impugnación va incluyir un procesu contradictoriu nel que les partes puedan facer alegaciones nun plazu de diez días caún y socesivamente.
4. La propuesta y práutica de pruebas va desenvolverse nun plazu común de diez días. N'acabando'l periodu de prueba, dambes dos partes van poder esponer les sos conclusiones y, a la fin, va dictase la resolución correspondiente.
5. La Comisión de Control y Garantías Democráticas va resolver nun plazu máximu de dos meses por mayoría absoluta de los sos miembros, siendo la so resolución d'obligáu cumplimientu.

CAPÍTULU 2: CONTROL DEMOCRÁTICU DE LES Y LOS DIRIXENTES ELEXÍOS

ARTÍCULU 22: CONTROL DEMOCRÁTICU DE LES Y LOS DIRIXENTES ESCOYÍOS

1. Toles y tolos dirixentes escoyíos, mesmo pa cargos internos que pa cargos públicos, han de rindir cuentas del so llabor de forma periódica.
2. Toles y tolos dirixentes elexíos han ser trespantes dafechu nel usu de los recursos y tán obligaos a responder a toles solicitúes d'información sobre la so actividá que s'alviertan precisas.
3. L'Asamblea correspondiente na que s'escueya la o'l dirixente va ser l'órganu encargáu d'exercer el so control democráticu. Na sesión ordinaria añal, como puntu obligatoriu del orde del día, va tratase y votase la xestión de los y les dirixentes eleutos. El o la

dirixente va dar cuenta énte'l plenu de la so actividá y cumplimientu de les sos responsabilidaes y obligaciones per aciu de la llectura d'un informe, qu'ha de ser unviáu al conxuntu de la militancia con antelación a la celebración de l'Asamblea.

TÍTULO VI XESTIÓN ECONÓMICA

ARTÍCULU 23: EL O LA RESPONSABLE ECONÓMICO FINANCIERA

La Executiva va nomar, acordies col artículu 14bis de la Llei Orgánica 8/2007, a un o una responsable económico-financiera del partíu, ente persones de condición honorable con conocencia y esperiencia profesional acreditaes nel ámbitu económicu. Les sos funciones van ser les siguientes:

- La ellaboración de les cuentas añales y la so remisión al Tribunal de Cuentas dientro del plazu llegal establecíu.
- Les funciones en materia d'ordenamientu de pagos y autorizaciones de gastos que nel so casu conseñen los estatutos del Partíu.
- Cualesquier otra función que-y atribuyan los Estatutos o'l máximu órganu de direición del Partíu.

ARTÍCULU 24: RECURSOS ECONÓMICOS

Los recursos económicos d'Aína van tar constituyíos por:

1. Financiación privada:
 - a. Les cuotes y aportaciones de los sos afiliados y les sos afiliaes.
 - b. Los productos de les actividaes propies del partíu, los rendimientos vinientes de la xestión del so propiu patrimoniu, los beneficios vinientes de les sos actividaes promocionales y los que se puedan obtener de los servicios que puedan dar en rellación colos sos fines específicos.
 - c. Les donaciones, en dineru o n'especie, que perciba nos términos y condiciones afitaos na Llei 8/2007.
 - d. Los fondos vinientes de los empréstanos o créditos qu'alcuerde.
 - e. Les herencies que reciba.
2. Financiación pública: los ingresos que reciba acordies colo afitao na llexislación europea, estatal, autonómica o llocal sobre financiación de partíos vixente en cada momentu.

ARTÍCULU 25: PATRIMONIU FUNDACIONAL

Nel momentu de la so constitución, Aína escarecía de patrimoniu fundacional.

ARTÍCULO 26: PROCEDIMIENTO D'APROBACIÓN Y REMISIÓN DE CUENTAS

L'administración, fiscalización y control del réxime económicu y patrimonial d'Aína va facese con arreglu a les normes siguientes:

- La Executiva va ellaborar añalmente la propuesta de cuentas, qu'ha de sometese pa la so aprobación a l'Asamblea Nacional.
- La vixencia del presupuestu va ser añal, zarrándose cada exerciciu'l 31 d'avientu.
- La xestión económico-financiera d'Aína correspuende al o a la Responsable económico-financiera, que tien de rindir cuentas de manera semestral énte la Mesa Nacional.
- La función d'intervención de tolos actos y documentos de los que se deriven drechos y obligaciones de conteníu económicu va corresponder a la Executiva.
- El partíu va presentar les sos cuentas al Tribunal de Cuentas dientro del plazu afítáu pola llei.

ARTÍCULO 27: RÉXIME DOCUMENTAL

Aína va llevar al día los correspondientes llibros d'afiliación, actes y contabilidad, que van permitir conocer la so situación financiera y patrimonial, asina como'l cumplimientu de les obligaciones previstes na llexislación en vigor.

TÍTULO VII DISOLUCIÓN D'AÍNA

ARTÍCULO 28: DISOLUCIÓN

1. Aína va disolvese o estinguise por decisión del Congresu Nacional, precisándose l'alcuertu de dos terceres partes del mesmu.
2. El Congresu Nacional pa la disolución del Partíu, que va constar como l'únicu puntu a tratar nel orde del día, va ser convocáu al efeutu pola Executiva, que tien que facer la propuesta col alcuertu, a lo menos, de dos terceres partes de les y los sos miembros. Arriendes d'ello, ha de convocase'l Congresu Nacional pa la disolución d'Aína cuando asina seya solicitao pol 60% de los afiliaos y les afiliaes.
3. L'alcuertu de disolución llevará a la constitución d'una Comisión Económica, que va tar compuesta por 5 persones designaes d'ente la militancia d'Aína. Esa comisión va asumir la función d'encargase del patrimoniu y va exercer la representación mancomunada del partíu na so fase de desapaición énte cualesquier organismu públicu o colos terceros que caltengan relaciones col mesmu. El patrimoniu resultante nel momentu de la disolución, en tando cumplíes les obligaciones financieras qu'esistieren, va ser repartíu pola Comisión Económica, siguiendo alcuertu del Congresu Nacional de disolución, ente los organismos que trabayen pola tresformación social d'Asturies y l'impulsu de la so cultura.